



OPIS POSLOVA I ZADATAKA

TERMS OF REFERENCE (ToR)

KONSULTANT ZA PRUŽANJE USLUGA POLJOPRIVREDNICIMA U OKVIRU PROJEKTA „JAČANJE INTEGRALNE POLJOPRIVREDNE PROIZVODNJE ZA SMANJENJE NEZAPOSLENOSTI I SUPSTITUCIJU UVOZA U PRERADIVAČKOJ INDUSTRIJI”

***Projekatni zadatak:** Pružanje konsultantskih usluga poljoprivrednicima u okviru projekta „Jačanje integralne poljoprivredne proizvodnje za smanjenje nezaposlenosti i supstituciju uvoza u preradivačkoj industriji”*

April 2018. Godine



Ovaj projekat finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

- A. Pozicija:** Spoljni stručni saradnik - inženjer poljoprivredne struke sa iskustvom u oblasti agronomije
- B. Lokacija:** Grad Bijeljina
- C. Referenca na projekat:** „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji”
- D. Trajanje:** 01.05.2018. – 30.9.2018.

E. Pozadina

Naručilac usluga, Centri civilnih inicijativa (CCI) jedna je od najvećih nevladinih organizacija u Bosni i Hercegovini, čija misija je omogućiti građanima BiH da ostvare svoje interese i povećaju svoj uticaj na procese donošenja odluka. Fokus rada CCI-a je zagovaranje promjena u oblasti jačanja odgovornosti, transparentnosti i efektivnosti vlasti u BiH. U okviru toga, CCI sprovodi kampanje, podržava druge građanske aktere, radi s predstavnicima vlasti i medija širom BiH.

Dana 1.09.2017. godine CCI je započeo implementaciju projekta „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji”. Projekat je dio šireg programa „Podrška lokalnim partnerstvima za zapošljavanje u Bosni i Hercegovini” (LEP) finansiranog od strane Evropske unije, a implementiranog od strane Međunarodne organizacije rada – ILO.

Cilj projekta „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji” je davanje doprinosa smanjenju nezaposlenosti na području Bjeljine, te povećanje konkurentnosti lokalnih poljoprivrednih proizvođača.

Specifični ciljevi projekta su:

- Motivisati i podržati najmanje 50 nezaposlenih osoba sa područja Grada Bijeljina da započnu proizvodnju crvene paprike za potrebe prerađivačke industrije u Bijeljini;
- Kreirati institucionalni mehanizam Grada Bijeljina za dugoročno usklađivanje poljoprivredne proizvodnje prema potrebama prerađivačkih kapaciteta na području Grada;
- Aktualizovati u javnosti važnost i prednosti partnerstava (lokalne administracije, proizvođači i prerađivači) za razvoj poljoprivrede kao i smanjenje nezaposlenosti u Bijeljini.

Sa tim u vezi, CCI traži uslugu spoljnog stručnog saradnika koji će redovno obilaziti i kvalitativno konsultantovati sve korisnike na projektu (poljoprivrednici), tokom kompletnog vegetativnog procesa zasada crvene paprike (hibrid, F1 Captur), a sve sa ciljem da prinos crvene paprike bude što kvalitetniji i obimniji. Uporedo, konsultant će pomoći korisnicima (poljoprivrednicima) da steknu iskustva o svim specifičnostima gajenja hibrida crvene paprike, koja će moći da primjenjuju i u budućnosti.

F. Svrha zadatka

Obzirom da je crvena paprika zahtjevna poljoprivredna kultura, tokom realizacije projekta planirano je da u procesu proizvodnje poljoprivrednici imaju konstantnu podršku od strane konsultanta poljoprivredne

struke. Konsultant će biti aktivan na terenu tokom cijelog vegetativnog perioda (od trenutka kada kreće priprema zemljišta za sadnju, do trenutka berbe). Njegov primarni zadatak će biti da redovno (mjesečno, najmanje 2 puta) obilazi zasađene parcele i daje usluge savjetovanja poljoprivrednicima.

Konsultant će savjete pružati na osnovu prethodno kreiranih i usaglašenih sa menadžerom projekta planovima za doziranje prihrane biljaka i hemijske zaštite. U planovima će za potrebe poljoprivrednika određivati vrstu, količinu i vrijeme unosa sredstava.

Polazne informacije koje će pomoći Konsultantu u planiranju unosa adekvatnog sastava i količina đubriva, kako u fazi pripreme zemljišta tako i kasnije u vegetativnoj fazi uzgoja crvene paprike, biće sadržane u unaprijed pripremljenoj analizi kvaliteta zemljišta. Rezultate analize kvalitete uzoraka zemljišta sa parcela na kojima će se saditi crvena paprika (hibrid Captur) obezbjeđiće naručilac ovih usluga (CCI).

Tenderska Komisija će razmotriti sve prijavljene za poziciju konsultanta i donijeti odluku o izboru najpovoljnijeg kandidata na osnovu karakteristika i referenci za svakog od prijavljenih kandidata. Sa odabranim konsultantom će biti potpisan ugovor o saradnji koji će sadržavati sve obaveze, rokove i uslove, a kako to načelno definiše o ovaj ToR.

G. Obim posla i odgovornost konsultanta

- 1. Praćenje i savjetovanje u vezi sa korištenje repromaterijala za uzgoj crvene paprike (hibrid Captur)**
Sadni materijal, đubrivo i zaštitna sredstva, malč folija, dio sistema navodnjavanja kap po kap, biti će uručeni poljoprivrednicima kroz bespovratnu pomoć od strane CCI. Istovremeno, poljoprivrednici su dužni preuzeti materijal primjenjivati u skladu sa uputama i preporukama dobijenim od strane stručnog konsultanta čiji posao definiše ovaj ToR.

Preporuke za primjenu đubriva konsultant će davati vodeći se rezultatima analize zemljišta, kao i ličnim iskustvom, a preporuke za primjenu sredstava za zaštitu, konsultant će davati na preventivnoj osnovi i u skladu sa uslovima i aktuelnim stanjem zasada.

- 2. Redovni mjesečni obilasci zasijanih parcela (monitoring)**

Tokom vegetativnog perioda konsultant će planirati i realizovati redovne mjesečne posjete za 43 u projekat uključena poljoprivredna gazdinstva (najmanje 2 puta mjesečno obilazak svake od parcela), uraditi pregled stanja zasada, obaviti sastanke sa vlasnicima parcela i prenijeti im svoje stručne savjete o stanju zasada. U slučaju uočavanja problema kod nekih zasada konsultant je dužan povećati broj obilazaka istih sve dok problem ne bude riješen. Naglašavamo Konsultant će biti u obavezi da vodi i dnevničke bilješke o svakoj od parcela i stanju zasada. Pored redovnih mjesečnih obilazaka zasađenih parcela, konsultant mora biti dostupan poljoprivrednicima tokom trajanja angažmana (očekuje se izražena spremnost Konsultanta da pruži savjetodavne usluge korisniku kroz telefonski razgovor, odnosno da obavi i vanredni obilazak zasada u slučaju većim problema na koje korisnik upućuje).

U fazi sazrijevanja crvene paprike, mjesečni izvještaj konsultanta će sadržavati i dio kojim se projicira očekivani prinos po korisnicima, kako bi se procjenile očekivane količine paprika i kako bi Konsultant mogao napraviti plan otkupa u skladu sa očekivanim sazrijevanjem zasada.

Izrada plana otkupa je važna, jer paprike sazrijevaju u nekoliko ciklusa tokom septembra, te je potrebno napraviti odgovarajuću koordinaciju oko preuzimanja uroda od strane Sava doo. Bijeljina.

Taksativni pregled obaveza na koje konsultant mora odgovoriti tokom angažmana (maj – septembar 2018. godine)

- Konsultant će biti aktivan na terenu tokom cijelog vegetativnog perioda (od trenutka kada kreće priprema zemljišta za sadnju tj. od početak maja, do trenutka berbe);
- Konsultant će izraditi Plan đubrenja zasada crvene paprike za svakog aplikanta, koristeći nalaze analize kvalitete zemljišta koje će mu isporučiti naručilac usluga (CCI), a vodeći se i ličnim iskustvom;
- Konsultant će izraditi inicijalni Plan zaštite zasada crvene paprike za svakog aplikanta, a menadžeru projekta će pomoći prilikom nabavke adekvatnih zaštitnih sredstva za sve korisnike, u skladu sa potrebama;
- Konsultant će voditi dnevničke bilješke o posjetama terenu, kao i vrsti i količini iskorištenih sredstava za prihranu i zaštitu, te vremenu primjene. Na osnovu podataka iz bilješki, konsultant je dužan izraditi Mjesečne izvještaje o stanju zasada i iste proslijediti menadžeru projekta u periodu od 01-07. za prethodni mjesec.
- Konsultant će organizovati planske posjete svakoj od zasađenih parcela, a najmanje 2 puta mjesečno. Svaki obilazak zasada Konsultant mora verifikovati sa kratkim izvještajem o stanju zasada, a koji će biti potpisan i od strane vlasnika parcele (korisnika/poljoprivrednika). U slučaju uočavanja problema po pitanju kvalitete zasada, konsultant je dužan što hitnije predložiti adekvatne mjere kao odgovor na uočene probleme;
- Pored redovnih posjeta, Konsultant treba biti dostupan poljoprivrednicima tokom čitavog angažmana radi pružanja savjetodavnih usluga, posebno kada je riječ o doziranju vrsti/količini/vrijemu prihrane biljaka i hemijske zaštite zasada. Konsultant je dužan voditi evidenciju o pružanju svih redovnih i vanrednih usluga/savjetovanja/terenskih posjeta (telefonsko savjetovanje, vanredne posjete parcelama), a o tome izvještavati kroz redovne mjesečne izvještaje;
- U mjesečnim izvještajima koji se budu odnosili na mjesece avgust i septembar konsultant je dužan projicirati očekivane prinose zasada za svaku od parcela, kako bi se procjenile očekivane količine paprika i mogao napraviti plan otkupa u skladu sa očekivanim sazrijevanjem zasada.

H. Organizaciona razmatranja

Ugovarač će raditi pod direktnom supervizijom Projekt menadžera. Ugovarač će se konsultovati sa Projekt menadžerom i projekt koordinatorom tokom cijelog perioda angažmana.

Poljoprivredna gazdinstva na kojima će konsultant vršiti monitoring vegetativnog procesa, zasada paprika, su locirana u slijedećim mjesnim zajednicama: Amajlije - 2 korisnika, Balatun - 1, Brodac - 1, Batković - 2, Donje Crnjelovo - 15, Dvorovi - 1, Kriva Bara - 1, Ljeskovac - 2, Međaši - 1, Popovi - 2, Velika Obarska - 6, Velino Selo - 3, Zagoni - 4, te Trnjaci – 1 korisnik. Navedene lokacije i broj korisnika predstavljaju važan ulazni podatak za procjenu potrebnog vremena i resursa neophodnih za realizaciju svih zacrtanih zadataka konsultanta.

CCI-a kao naručilac posla će za potrebe realizacije konsultantskih usluga, konsultantu staviti na raspolaganje sav neophodan materijal (Liste i kontakti aplikanta, termine dostave sadnica i ostalog agro materijala, kao i analizu kvalitete zemljišta.)

I. Autorska prava

Sadržaj podataka dobijenih tokom angažmana je podložan zaštiti i vlasništvo je CCI-a, te se ne smije, ni u cjelosti ni u fragmentima, koristiti na trećim stranama bez saglasnosti vlasnika. Upotreba podataka je moguća i opravdana samo u okviru aktivnosti projekta koji se realizuje.

J. Vrijednost ponude i plaćanje

Vrijednost ponude ne smije prelaziti 13.430 KM u netu. Naručilac (CCI) preuzima na sebe da će na vrijednost ponude platiti porez i pripadajuće naknade.

Plaćanje usluga će biti izvršeno po izvršenju svih ugovorenih zadataka na mjesečnoj osnovi (5 dana nakon što konsultant isporuči potpun mjesečni izvještaj), a nakon potvrde Projekt menadžera da su svi navedeni segmenti usluge uspješno isporučeni. Ovaj ToR biće sastavni dio Ugovora, a Ugovor će precizirati novčanu vrijednost angažmana.

K. Kvalifikacije aplikanta

Kvalifikacije konsultanta

K.1. Formalno obrazovanje

- Minimalno viša stručna sprema (VI stepen) - inženjer poljoprivredne struke sa iskustvom u oblasti agronomije

K.2. Radno iskustvo i vještine

- Autentično lično iskustvo - dokazivo najmanje petogodišnje iskustvo u kontinuitetu i reference u vezi sa uzgojem crvene paprike roge ili sličnih sorti.
- Sposobnost rada u timu;
- Izvrsne komunikacione vještine;

L. Način i rok za dostavljanje ponuda

Svi zainteresovani aplikanti za dostavljanje ponuda, moraju najkasnije do 25. aprila 2018. u 16,00 dostaviti sljedeću dokumentaciju:

➤ **Tehnička ponuda**

- Kopija diplome minimalno VI stepen formalnog obrazovanja – inženjer poljoprivredne struke.
- Biografiju (CV), koja će predstaviti i Listu referenci - pregled radnog iskustva ili pruženih konsultantskih usluga u vezi za uzgojem paprike ili sličnih sorti.
- Dokument na kojem će biti predstavljen (po mjesecima) inicijalni plan rada u skladu sa zadacima koji su predstavljeni kroz tačku G, uzimajući u obzir navode iz tačke H.

➤ **Finansijska ponuda**

- Popunjena u skladu s Projektnim zadatkom iz tačke G (popunjen obrazac budžeta iz tenderske dokumentacije, ovjeren potpisom).

NAPOMENA: Tehničku i finansijsku ponudu odvojiti u dvije zasebne zapečaćene koverta, koje će zatim biti sa ostalom dokumentacijom zapakovane u jedinstvenu kovertu, na kojoj je naznačeno ime ponuđača.

Ponude se dostavljaju poštom na adresu: Centri civilnih inicijativa, Ludviga Kube 7, 75 000 Tuzla (uz napomenu: Ponuda za konsultanta poljoprivredne struke), ili putem e-maila: ccituzla@bih.net.ba.